

STJÓRNARTÍÐINDI B 105 – 1995

Nr. 585

1516

16. nóvember 1995

REGLUGERÐ

um framleiðslu, heildsölu og innflutning áfengis í atvinnuskyni.

Almenn ákvæði.

1. gr.

Leyfi fjármálaráðherra þarf til framleiðslu, heildsölu og innflutnings á áfengi og vínanda í atvinnuskyni sem í er meira en 2,25% af vínanda að rúmmáli. Áfengismagn og vínanda-innihald skal ákveðið við 20 C.

Innflutningur er þó heimill á varningi sem inniheldur vínanda hafi hann verið gerður óhæfur til drykkjar og öruggt að ekki sé kleift að gera hann drykkjarhæfan, sbr. 3. gr. og 8. tölul. 1. mgr. 11. gr. áfengislaga nr. 82/1969. Áfengis- og tóbaksverslun ríkisins er þó einni heimilt að flytja inn vínanda sem fellur undir tollskrárnúmer 2207.1000, sbr. viðauka I við tollalög nr. 55/1987 með síðari breytingum.

Reglugerð þessi gildir ekki um þá sem leyfi hafa til reksturs almennra tollvöruheymisla, tollfrjálsra forðageymisla eða frísvæða þar sem áfengi er geymt. Um þá starfsemi gilda ákvæði tollalaga nr. 55/1987 með síðari breytingum. Um sendiráð og aðra sem úrlendisréttar njóta gilda ákvæði sérлага, sbr. þó 5. gr.

2. gr.

Leyfi samkvæmt 1. gr. skiptast í eftirtalda flokka:

- a. Framleiðsluleyfi sem veitir heimild til framleiðslu og sölu þess áfengis sem framleitt er samkvæmt b-lið 1. mgr. 5. gr. Leyfið veitir ennfreður rétt til innflutnings á áfengi sem notað er í framleiðsluna.
- b. Innflutningsleyfi sem veitir þeim aðilum sem tilgreindir eru í 4. til 6. tölul. a-liðar 1. mgr. 5. gr. heimild til innflutnings og verslunar með áfengi með þeim takmörkunum sem þar greinir.
- c. Áfengisheildsöluleyfi sem veitir heimild til sölu á áfengi samkvæmt a-lið 1. mgr. 5. gr. og til innflutnings og innkaupa á áfengi í því skyni.

Almenn skilyrði leyfisveitingar.

3. gr.

Leyfi til innflutnings, framleiðslu og heildsölu áfengis verður einungis veitt þeim sem;

- a. 1. stundar í atvinnuskyni innflutning og/eða heildsölu enda hafi hann til þess verslunarleyfi, sbr. lög nr. 41/1968 um verslunaratvinnu,
2. stundar í atvinnuskyni framleiðslu á áfengum drykkjum enda hafi hann til þess iðnaðarleyfi, sbr. iðnaðarlög nr. 42/1978,
3. hefur lyfsöluleyfi, lyfjaheildsöluleyfi eða lyfjaframleiðsluleyfi, sbr. lyfjalög nr. 93/1994,

4. stundar veitingarekstur í atvinnuskyni og hefur leyfi til áfengisveitinga, sbr. 12. gr. áfengislaga nr. 82/1969 með síðari breytingum, eða
5. hefur leyfi til reksturs tollfrjálsrar verslunar, sbr. 79. gr. tollalaga nr. 55/1987;
- b. hefur tilkynnt Hagstofu Íslands um atvinnustarfsemi sína og verið færður á fyrirtækjaskrá, sbr. lög nr. 62/1969 og
- c. hefur tilkynnt skattstjóra um starfsemi sína samkvæmt 5. gr. laga nr. 50/1988, um virðisaukaskatt.

Auk þeirra skilyrða sem um getur í a- til c-lið 1. mgr. verður einstaklingur sem leyfi er veitt að vera orðinn 20 ára. Ef um félag er að ræða verða stjórnarmenn og framkvæmdastjóri, sé hann ráðinn, að fullnægja þessu skilyrði.

Leyfi samkvæmt reglugerð þessari er bundið við nafn leyfishafa. Taki nýr aðili við rekstri skal hann sækja um nýtt leyfi.

Umsókn, gildistími leyfis og gjaldtaka.

4. gr.

Umsókn um leyfi samkvæmt reglugerð þessari skal senda fjármálaráðuneytinu og skulu fylgja henni nauðsynleg gögn. Leyfi sem gefið er út í fyrsta sinn samkvæmt reglugerð þessari gildir í eitt ár. Sé leyfi endurnýjað er gildistími þess ótímabundinn sbr. þó 12. gr.

Greiða skal gjald fyrir útgáfu leyfis og endurnýjun þess samkvæmt lögum nr. 88/1991 um aukatekjur ríkissjóðs. Jafnframt skal leyfishafi greiða árlegt eftirlitsgjald til innheimtumanns ríkissjóðs sbr. lög nr. 88/1991, um aukatekjur ríkissjóðs.

Sala áfengis innanlands.

5. gr.

Um sölu leyfishafa gilda eftirfarandi reglur:

- a. Leyfishafa áfengisheildsöluleyfis er einungis heimilt að selja eða afhenda áfengi til:
 1. Áfengis- og tóbaksverslunar ríkisins;
 2. aðila sem heimild hafa til framleiðslu á áfengi samkvæmt reglugerð þessari;
 3. aðila sem heimild hafa til heildsölu áfengis samkvæmt reglugerð þessari;
 4. aðila sem leyfi hafa til reksturs tollfrjálsra verslana, sbr. tollalög nr. 55/1987;
 5. veitingastaða, sem hafa almennt leyfi til áfengisveitinga samkvæmt 12. gr. áfengislaga nr. 82/1969, þó einungis það áfengi sem slíkt leyfi kveður á um;
 6. lyfsala og lækna sem rétt hafa til lyfsölu, þó eingöngu það áfengi sem er í lyfjaskrá og aðeins til lyfja;
 7. aðila sem leyfi hafa til reksturs tollfrjálsra forðageymslna, sbr. tollalög nr. 55/1987;
 8. sendiráða og annarra sem njóta úrlendisréttar hér á landi; og
 9. til að selja áfengi úr landi.
- b. Leyfishafa framleiðsluleyfis er einungis heimilt að selja eða afhenda áfengi til:
 1. Áfengis- og tóbaksverslunar ríkisins;
 2. aðila sem heimild hafa til heildsölu áfengis samkvæmt reglugerð þessari;
 3. aðila sem leyfi hafa til reksturs tollfrjálsra verslana og tollfrjálsra forðageymslna, sbr. tollalög nr. 55/1987;
 4. veitingastaða, sem hafa almennt leyfi til áfengisveitinga samkvæmt 12. gr. áfengislaga nr. 82/1969, þó einungis það áfengi sem slíkt leyfi kveður á um;
 5. sendiráða og annarra sem njóta úrlendisréttar hér á landi; og
 6. til að selja áfengi úr landi.

Leyfishafa er óheimilt að afhenda öðrum aðila áfengi til endursölu hafi hann ekki tilskilin leyfi. Skal hann leita upplýsinga þar um hjá lögreglustjóra í viðkomandi umdæmi sem veitir upplýsingar um hverjir hafa leyfi samkvæmt reglugerð þessari eða almennt leyfi til áfengisveitinga samkvæmt 12. gr. áfengislaga.

Varsla og ábyrgð.

6. gr.

Um vörslu og ábyrgð á ótollafgreiddu áfengi, þ.m.t. áfengi sem tollafgreitt hefur verið til útflutnings, gilda ákvæði tollalaga nr. 55/1987. Rýrnun áfengisbirgða í vörslu leyfishafa er á ábyrgð leyfishafa.

Húsnæði og búnaður.

7. gr.

Húsnæði, sem leyfishafi notar til geymslu og framleiðslu á áfengi skal vera nægilega traust til geymslu á öllum algengum varningi og búið þeim öryggis- og/eða eftirlitsbúnaði sem tryggi að óviðkomandi verði ekki veittur aðgangur.

Sá sem leyfi fær til framleiðslu áfengis skal áður en framleiðsla áfengis hefst fullnægja þeim kröfum sem gilda um framleiðslu matvæla, sbr. lög nr. 93/1995, um matvæli, og skal gengið frá framleiðslutækjum og -búnaði, svo sem bruggtækjum, eimingartækjum, leiðslum, átöppunarbúnaði og rennismælum, þannig að komið verði í veg fyrir óeðlilega rýrnun.

Merkingar.

8. gr.

Leyfishafi skal sjá til þess að umbúðir, jafnt innri sem ytri umbúðir, utan um það áfengi sem framleitt er hér á landi, eða flutt er inn, beri með sér að um áfengi sé að ræða. Á umbúðum skal með skýrum hætti greina hvert áfengisinnihald vörunnar er. Þá skulu umbúðir, jafnt innri sem ytri umbúðir, utan um áfengi merktar nafni og heimilsfangi framleiðanda eða dreifanda þeirra.

Um merkingar fer að öðru leyti samkvæmt áfengislögum nr. 82/1969 og lögum nr. 93/1995, um matvæli.

Bókhald og skráning viðskipta.

9. gr.

Leyfishöfum innflutnings- og/eða áfengisheildsöluleyfis er skylt að halda birgðabókhald fyrir áfengi.

Leyfishafa framleiðsluleyfis er skylt að halda framleiðsluskýrslur og birgðabókhald fyrir áfengi. Framleiðsluskýrslur skal halda með þeim hætti að hægt sé með auðveldum og öruggum hætti að rekja hverja átöppun á áfengi til einstakra áfengistegunda og umbúða.

Birgðabókhald skal haldið með þeim hætti að hægt sé að rekja sérhverja átöppun eða innkaup frá innflutningsgögnum og innkaupareikningum til færslu í birgðabókhaldi og hvenær sem er bera saman vörubirgðir og niðurstöðu birgðabókhalds. Í birgðabókhaldi þarf að koma fram á aðgengilegan hátt ráðstöfun birgða vegna sölu innanlands, útflutnings, rannsókna, rýrnunar og skýringar á henni eða annarra atriða.

Leyfishafi skal skrá sérhverja sölu áfengis á sölureikninga til samræmis við ákvæði 4. gr. reglugerðar nr. 50/1993, um bókhald og tekjuskráningu virðisaukaskattsskyldra aðila.

Leyfishafi skal veita skattstjóra upplýsingar um heildarsölu sína skipt niður á viðskiptamenn og tímabil telji hann slíkt nauðsynlegt vegna eftirlits. Kaupendur áfengis sem um ræðir í 5. gr. skulu halda sérstaka innkaupareikninga í bókhaldi sínu og veita skattstjóra sams konar upplýsingar um innkaup sín sé þess óskað.

Um bókhald fer að öðru leyti samkvæmt ákvæðum laga nr. 145/1994 um bókhald með áorðnum breytingum.

Tölfræðilegar upplýsingar.

10. gr.

Leyfishafi skal senda Hagstofu Íslands skýrslu um framleiðslu, innflutning og sölu áfengis í því formi sem Hagstofan ákveður.

Skýrsla samkvæmt 1. mgr. skal send 15. janúar, 15. apríl, 15. júlí og 15. október og skal taka til viðskipta í undanfarandi ársfjórðungi en í henni skal gerð grein fyrir framleiðslu, innflutningi og sölu áfengis miðað við tegund, magn í lítrum og hlutfall vínanda í því.

Eftirlit.

11. gr.

Skattstjóri í því skattumdæmi þar sem starfsstöð leyfishafa er hefur eftirlit með starfsemi leyfishafa samkvæmt reglugerð þessari enda hafi fjármálaráðherra ekki ákveðið að sérstakir eftirlitsmenn á vegum embættis ríkisskattstjóra annist eftirlit þetta.

Leyfishafa ber að veita eftirlitsmönnum aðgang að öllum húsakynnum, sem nýtt eru til áfengisframleiðslu og birgðahalds svo og bókhaldsgögnum er sýna hráefnisnotkun og birgðir vöru. Leyfishafi skal láta eftirlitsmönnum í té fullnægjandi aðstöðu að mati skattstjóra þegar þeir sinna eftirlitsstörfum í atvinnuhúsnæði leyfishafa.

Ríkisskattstjóri getur ákveðið að átöppun áfengis skuli fara fram undir eftirliti og skal því aðeins taka tillit til rýrnunar að förgun úrgangsefna og skemmdrar eða gallaðrar óseldrar framleiðslu fari fram undir eftirliti. Hann getur einnig ákveðið að innsigla skuli framleiðslutæki og -búnað svo og geyma og kúta sem notaðir eru undir áfengi sem selt er í miklu magni m.a. til veitingahúsa. Ríkisskattstjóri ákveður gerð og notkun innsigla. Hann getur sett eftirlitsmönnum nánari starfsfyrirmæli.

Um eftirlit skattstjóra að öðru leyti gilda ákvæði laga nr. 50/1988, um virðisaukaskatt með síðari breytingum.

Um almennt eftirlit lögreglu með framleiðslu, sölu og meðferð áfengis í landinu gilda ákvæði áfengislaga nr. 82/1969 með síðari breytingum.

Um eftirlit tollstjóra með innflutningi áfengis gilda ákvæði tollalaga nr. 55/1987, með síðari breytingum.

Brottfall leyfis og leyfisvipting.

12. gr.

Hafi eftirlitsgjald ekki verið greitt til innheimtumanns ríkissjóðs innan 30 daga frá gjalddaga fellur leyfið úr gildi.

Nú missir leyfishafi skilyrði til leyfisveitingar samkvæmt 3. gr. og fellur þá leyfið úr gildi. Leyfishafi skal innan 30 daga frá því leyfi þau sem vísað er til í a-lið 1. mgr. 3. gr. falla úr gildi senda fjármálaráðuneytinu staðfestingu á því að slíkt leyfi hafi verið endurnýjað.

Verði leyfishafi uppvís að broti gegn ákvæðum áfengislaga, laga um verslun með áfengi og tóbak, laga um gjald af áfengi, reglugerð þessari eða skilyrðum leyfis, sbr. þó 1. mgr., skal svipta hann leyfi um stundarsakir eða fyrir fullt og allt ef brot er margítrekað eða stórfellt.

Nú hefur leyfi fallið úr gildi eða leyfishafi verið sviptur leyfi og skal honum þá heimilt að selja það áfengi sem framleitt hefur verið eða flutt inn og tollafgreitt áður en leyfið féll úr gildi eða leyfisvipting tók gildi.

Gildistaka o.fl.

13. gr.

Reglugerð þessi, sem sett er samkvæmt 14. gr., sbr. 2. gr., laga nr. 63/1969 um verslun með áfengi og tóbak, sbr. lög nr. 95/1995 um breytingu á þeim og 11. gr. laga nr. 96/1995, um áfengisgjald, öðlast gildi 1. desember 1995.

Leyfi til framleiðslu á áfengi, sem í gildi eru samkvæmt 2. gr. laga nr. 63/1969, sbr. 1. gr. laga nr. 51/1986, skulu halda gildi sínu til og með 31. desember 1995.

Ákvæði til bráðabirgða.

Leyfishöfum er heimilt fram til 1. júlí 1996 að dreifa áfengi í umbúðum sem bera merki ÁTVR enda hafi umbúðirnar verið framleiddar fyrir gildistöku reglugerðar þessarar og gert verði samkomulag við Áfengis- og tóbaksverslun ríkisins um notkun merkisins.

Fjármálaráðuneytið, 16. nóvember 1995.

Friðrik Sophusson.

Indriði H. Þorláksson.

REGLUGERÐ

**um breytingu á reglugerð nr. 119/1990
um bréfaskipti, símtöl og heimsóknir til afplánunarfanga.**

1. gr.

15. gr. orðist svo:

Fangi tekur á móti heimsóknum í heimsóknarherbergi, sé slíkt herbergi fyrir hendi, en ella tekur fangi á móti heimsókn í klefa sínum eða í öðru herbergi.

Í sérstökum tilvikum getur forstöðumaður fangelsisins ákveðið að heimsókn til fanga fari fram í öðrum vistarverum fangelsisins, en slík ákvörðun skal bókuð og ástæða tilgreind.

2. gr.

Reglugerð þessi sem sett er með heimild í 30. gr. laga um fangelsi og fangavist nr. 48/1988 öðlast þegar gildi.

Dóms- og kirkjumálaráðuneytið, 17. nóvember 1995.

Þorsteinn Pálsson.

Hjalti Zóphóníasson.